

Von Neglein.

Weisse Negelein Himmelblaw zu ma-
chen.

BApt. Porta schreibt lib. 2. cap. 6. Mag. nat. Wenn man Weg-
wart Kraut Stengel * abschneidet/ bis auff die Wurzel/ doch
sol derselbe Stengel ziemlich dicke sein/ vnd spalte ihn darnach in der
mitten auff/ vnd stecke die Neglein von der Wurzel abgerissen/ hin-
ein/ vnd bindets mit einem Strohaln/ oder Kütlein zusammen/ ver-
grebts in ein Erdreich/ welches mit faulem Mist wol gemischt sey/
vnd begeusts zu seiner Zeit/ so sollen blawe Neglein drauß werden.

* Aur. Theophr. Paracels. schreibt lib. de imag. cap. 9. von
der Wegwartwurzel also: Auß was Ursachen vermeinstu/ daß die
Wurzel Wegwart nach 7. Jahren sich inn eines Vogels Gestalt
wandelte/ weistu das/ so schweig stille/ vnd wirff die edlen Perlen nit
für die Hunde/ weistu es aber nicht/ so lerne/ frage nach.

Wiltu den Samen von vollen Neglein zeugen/ daß
wieder volle drauß wer-
den.

So nim den Samen von denen Neglein so an dem Tag auß-
gekrochen/ an welchem der volle Mon gefallen/ See/ vnd setze sie
fort im vollen Mon: also auch mit andern Blumen.

Zweyerley Farben/ Netcken an einem
Stoche.

Nim zweyer Art Stöcken Wurkeln/ schneids entzwey/ binde
die Stücke zusammen/ vnd setze es in den Grund.

S

Das